

FIFA: Avizu di Viaji pa Nova Inglaterra

Rejion di Nova Inglaterra ta spera resebi entri 2 a 3 milion di vizitantis pa Kopa Mundial di FIFA 2026, organizadu konjuntamenti pa EU, Méxiku i Kanadá. **Pa turistas, vizitantis i ti mésmu rezidentis legal i sidadons merkanu, el podi torna un spiriénsia mutu diferenti di ki kel ki é speradu, pa mutivu di tendénsias kada bes mas autoritáriu pa kontrolu di imigrason.**

Pa es razons li, organizasons di direitus di imigranti na ária di Nova Inglaterra kria **un gia prátikú i avizu di viaji** pa fornese informasons, konsedjus di viaji, i rekursus ki podi prepara i djuda vizitantis ki sta bai asisti jogus, festas pa asisti jogus (watch parties), eventus na komunidadadi ô partisipa na atividadi rekreativas na tudu es rejion.



bit.ly/NETTravelAdvisoryFIFA



PAMODI KI KELI É INPURTANTI PA VIAJANTIS DI FIFA 2026

- Turistas ka sta izentu di es fiskalizason, perfilajen, i aumentu di violénsia. Insidentis dukumentadu ta inklui algen di tudu tipu di urijen, inkluidu turistas, vizitantis, rezidentis legal na EU i sidadons di EU.
- Akordus ki ta pirmiti autoridadis polisial lokal pa dizempenha funsons relasionadu ku imigrason ta aumenta xansi di enkontrus rutinarius — parada di trânzitu, konfuzon na sentrus di tranzitu, ô ti mésmu sta na lugar erradu na óra erradu — podi leba un algen a ser apanhadu na redi di kontrolu di imigrason.
- Relatórius di ajentis di kontrolu ta opera sen un idintifikason klaru ô ku máskaras na rostú, ta faze difísil pa viajantis sabe si es sta ta lida ku ofisiais lejítimu i ta umenta risku di parajens koersitivu ô ilegal.
- Eventus di FIFA ta konsentra un grandi númeru di vizitantis internasional na stádus, sentrus di tranzitu, otéis, i zonas di fan — árias undi un aumentu di atividadi di kontrolu podi rapidamenti afeta un grandi kuantidadi di pesoas.

RIKOMENDASONS – ANTIS DI VIAJA

Adia viaji ki ka é esensial

Konsidera adia viaji ki ka é esensial pa jurisdisons undi dja relatadu kontrolu di imigrason agresivu. Si viaji for esensial, plania ku kuidadu.

Leba bu dokumentu di idintifikason

Leba senpri un dokumentu di idintifikason válidu ku fotu emitidu pa guvernu. Sidadons stranjeru debi leba pasaporti i kópias di kualker dokumentu di vistu válidu pa EU. Sidadons di EU debi leba prova di sidadania (pur izenplu, pasaporti ô sertidon di nasimentu).

Konekta ku bu enbaixada

Rejista bus planus di viaji na bu enbaxada ô konsuladu, se for kazu; guarda informasons di kontaktu di emerjénsia konsular i númeru di emerjénsia di EU(911).

Ten Kontaktus di Emerjénsia

Sigura kontaktus legal di emerjénsia ku antisidensia — organizasons ki ta da apoiu rápidu pa viajantis ditidu, grupus lokal di direitus sivil, ô servisus legal di imigrason. Guarda kes númerus la offline.



Informa bus kumpanherus di viaji sobri modi ki es ta responde na kazu di enkontrus ku autoridadis di kontrolu:

- Lenbra kunpanheru pa mante kalma, pergunta si es sta livri pa bai, i evita rizisti.
- Lenbra ma viajantis podi rekusa ruspetadamenti a responde perguntas sobri status di imigrason enkantu es ta iziji sés direitu di kontata un advogado i un repringentanti konsular (pa sidadons ki ka é di EU).
- Si bu ten un status di imigrason siguru, bu debi leba kópias di kes dokumentus li pa bu podi aprizenta-s kuandu es pidi-u, mas sen riska perdi kes orijinal.